



朱敏瀚與王敏奕於新劇譜「AI情緣」。

預告《虛擬情人》有純潔床戲

# 朱敏瀚操弗身形 王敏奕狂影「肉照」

朱仔拍《拳王》時已是「性感擔當」。資料圖片



王敏奕、朱敏瀚、黃子恆與胡蓓蔚等昨日到將軍澳電視城宣傳愛情喜劇《虛擬情人》，演AI

的朱仔被問是否有難度？他說：「演AI話難唔難，話易亦唔易，因為有一個所謂正確演繹方法，要演繹到大家相信你係AI先係最大難度。」王敏奕則指自己的角色感情豐富，要經常喊，因不相信男人而創造虛擬情人。

朱仔指自己的角色會有不同版本，更要除衫演出：「拍嗰時嘅身形係『最豐盛』，比之前嘅《拳王》更完美。」王敏奕自爆手持朱仔大量「肉照」：「佢對自己嘅身材管理都好強迫症，已經唔夠馴，仲要成日喺個廠度舉啞鈴，所以我幫佢記錄低，有需要可以問我擺番。」她笑指朱仔是「性感擔當」，覺得現時觀眾喜歡看男仔性感演出多過女仔，朱仔笑言：「近期同我拍檔嘅女仔都好幸福，因為性感演出我都包辦晒。」問到可有親熱鏡頭？王敏奕預告有純潔床戲：「依家觀眾慣咗尺度好大，但係我哋拍番純情嘅

朱敏瀚（朱仔）與王敏奕於無綫新劇譜「AI情緣」，王敏奕踢爆朱仔於拍攝現場無時無刻做Gym操弗身形，更拍下對方大量「肉照」。朱仔透露當時的身形是「最豐盛」，又笑言與他合作的女藝人都很幸福，因所有性感場面都由他預飛。

愛情片，可以好唔一樣。」

問到可覺得老公曾國祥完美？王敏奕笑言：「佢有唔完美嘅地方，但唔會公開講。」至於被傳與陳曉華拍拖的朱仔，被問擇偶條件是否靚樣最吸引？他笑言：「呢樣係基本，但內心靚都好重要。（有港姐名銜會唔會加分？）呢啲都係Bonus，可以喺公司做到同事，都一定專業。」

否認與陳曉華同居

對於有傳他以兩萬元月租港島一個單位與陳曉華同居，朱仔表示：「我同媽媽住，我冇住個單位。如果可以出錢租畀同事，希望我有能力幫更多同事啦！（報道話你接載陳曉華去擺車。）我唔想再講車喇！啱啱過嚟之前俾的士撞到車尾，所以我調整緊心情，好彩人有事。」



台前幕後舉杯，預祝新劇收視理想。

## 郭柏妍丁丁玩遊戲超尷尬

陳山聰、劉佩玥、丁子朗（丁丁）與郭柏妍等昨日穿上婚紗宣傳無綫熱播劇《奪命提示》，緋聞情侶丁丁與郭柏妍玩遊戲共食一條百力滋時，眾星即時起哄，令兩人相當尷尬。事後郭柏妍受訪時表示：「以為擺住唔郁就可以，要食都以為自己食，冇諗過原來要同丁丁一齊食。」由於郭柏妍穿的婚紗很性感，她不時用花束遮胸防走光，她說：「我好少咁着，雖然為咗宣傳，但我真係怕醜，當係少少突破，都算係底線，但又唔可以講實，要睇吓有冇其他新嘗試。」



郭柏妍與丁丁共食一條百力滋。

## Edan認林明禎好重要

MIRROR 成員呂爵安（Edan）與「大馬女神」林明禎傳出緋聞後是非不斷，前晚他出席活動後，回家邊食消夜邊做直播。他表示過去半年經歷很多事，很想透過直播跟粉絲解釋，但因被身邊人勸告而終止！他說：「講到尾都係驚，驚會失去！因為嗰一次意識到我會失去啲嘢、影響啲嘢。呢半年都幾封閉自己，好綁手綁腳，好多人指指點點，一直好多內心鬥爭，唔知點好！」



呂爵安於直播中真情剖白。


Edan強調今次做直播是為了「爵屎」，並真情剖白：「佢係一個好好嘅女仔，佢係我身邊重要嘅人……同埋我覺得同你哋講咗，同你哋有呢個誤會，以後出面點講，我都唔需要再講咩，我淨係Care我想Care嘅人。」他自爆收到不少私訊，以很難聽的字句罵林明禎。



林明禎獲呂爵安讚是好女孩。

## 陳凱琳爆老公肯拍網片

陳凱琳昨日出席健康食品活動，她笑言有抽時間陪小朋友過復活節，日前才與母親偕3個兒子去澳門玩，但老公鄭嘉穎未有隨行。問到嘉穎有什麼工作？她說：「都係拍網上廣告同短片，佢開始接受啲網上拍片呢個趨勢，覺得依家唔能夠只靠傳統嘅宣傳方式。」身為KOL頂流的她可有給老公拍片意見？她笑言老公有所謂，因他在演藝上已得到想要的定位，其他的都是獎勵：「我哋嘅目標一致，就係為咗小朋友，依家就要儲多啲錢畀小朋友。」



陳凱琳是KOL界的頂流。